

## ‘NA SERENATA

testi Aldo e Emanuele Mazza  
musiche Franco Sicilia  
anno 1985

E' notte e Santu Pietru dorme tuttu  
`ccu na luna janca e u cielu grigi  
`ntra la neglia u silenziu è sulu ruttu  
de i vattiti luntani du rirogiu.

Ma a na vota s'aza `ndr'e vineddre  
nu sonu de chitarra e mandolinu  
na serenata a tutte e guagliuneddre  
`ngigna chianu chianu a u Casalinu.

E guagliuneddre ca se su curcate  
e pensanu ar'amure `ntra lu suonnu  
sentiennu chissa duce serenata  
se sentenu e cchiu ricche de lu munnu.

Ricche de na ricchezza fatta `e nente  
e `ntra lu liettu viglianu cuntente  
ricche de na ricchezza fatta `e nente  
e `ntra lu liettu viglianu cuntente.

E ara Chiazza sutta a nu lampiune  
Ccu l'ucchi `mpiculati a nu barcune  
Quantu sospiri `ppe ssa malatia  
cu `bbo lassare cchiu a capu mia

E quannu pue u sonu sinne vani  
e u core piglia focu cumu ligna  
darrieti e tendiceddre ccu i ricami  
nu chiantu e cuntentizza l'accumpagna

U pause è torna friddu cumu jacciu  
e u focu `ndra a vrascera se stutatu

“E' duce chira musica c'un sacciu  
de chiri uocchi scuri m'ha parratu”

Ricche de na ricchezza fatta `e nente  
e `ntra lu liettu viglianu cuntente  
ricche de na ricchezza fatta `e nente  
mò `ntra lu liettu dormenu cuntente.